

桃園市113年語文競賽區複賽客家語朗讀競賽國小學生組（饒平腔）

編號 1 號

【細山路个風景】謝瑞珍原作

為了自家个健康，佢臨暗仔都會有去行細山路个習慣，順續這脛該脛。這條細山路，有兜人兩三儕做伴，緊行緊打嘴鼓，有兜人會搥等細狗子散步，有人會一頭行一頭打拳，還放勢喊到大嫲牯聲，這條細山路比市場還較鬧熱。雖然佢長透去行，還係會脛著無共樣个風景。

有一擺，佢行啊行仔，遠遠就脛著一截棍仔長个在馬膠路町，俛較近兜脛，告知竟然係一尾長膏長膏、烏色間等白色一節一節个遮節¹，在馬膠路對這片慢慢仔趟到該片去。恁堵好，這時有一個細阿哥仔一片行路一片頭犁犁仔緊脛手機，佢煞煞喊佢頓恬，無斯佢怕摻這條蛇哥踪落去哦！

又一擺，脛著一群人提等翕相機對等樟樹緊翕，佢煞煞行兼去脛，原來係五色鳥在樟樹頂作竇，堵好鳥嫲摻鳥公換班，鳥公銜等蟲仔轉來分鳥子食，換鳥嫲飛出去捉蟲仔，鳥嫲出去一輪愛十過分鐘，無斯半點鐘，這時，兩隻鳥子就會摻頸根擲到長長，頭探探這脛該脛，斯像細人仔望毋得爺哀黏皮轉來共樣，樣仔實

在還心色，佢乜會試著當毋盼得，頭臥臥仔緊脛鳥子，心肝肚緊想：「鳥嫲仰還毋轉來？鳥子會餓壞了！」佢兜陪等鳥子在該等，等到鳥嫲銜等一隻挨礮披波轉來，佢兜斯會替鳥子歡喜；係等當久鳥嫲吉轉，佢兜斯會替佢愁慮，有一個行路過个阿伯笑講：「你這兜正經係一群戇鳥子。」

長透行這條細山路，下把仔會脛著一個阿爸渡等三、四歲个細人仔共下慢走。這個阿爸个身體當砸礮，毋過細人仔脛起來當瘦弱，像人仔²樣。長透脛佢走無幾步仔就做嬌³、喊慄，毋過厥爸從來毋識大聲咄佢，顛倒當有耐心，低言細語摻佢講從細就愛多運動，對身體較好。續等，阿爸就會牽等佢个細手，陪佢慢慢仔行。

脛等這兩子爺共下行个背影，斯像脛著細个時節，阿爸牽等佢个細手樣仔，這就係佢脛過最靚个風景啊！

¹ 遮節：音 zha' zied' / za' zed' / za' zied'；一種毒蛇，雨傘節。

² 人仔仔：音 ngin dang er' / ngin' dang' e' / ngin' dang'；形容人細瘦發育不良的樣子。

³ 做嬌：音 zo' giau' / zo' giau'；撒嬌。

【 佢曉搵手囉 】廖惠貞原作

佢在屋下座大，阿姆講：「最大个愛有好樣。」所以佢輒常渡等老妹共下學習撈搵手，阿嬤講：「有緣正共家門，一屋下人愛共心。」所以佢當聽話。

佢生到壁山恁高，毋過佢今年正十空歲定定，還係細人仔。屋下个世大人有四儕，阿公、阿嬤、阿爸撈阿姆。佢睺世大人歸日愛上班賺錢，日日做到兩頭烏，還辛苦哪！細人仔當然愛多學做兜事情較好哪！

從細佢就好在灶下睺阿姆煮食，佢從一年生開始，就會搵手。阿姆煮菜佢煮湯，兩儕人歡喜鼻香，七手八腳菜就上桌，阿爸講佢恁乖，老妹撈佢拍手，佢越學就越快樂！佢乜盡好跔阿嬤去市場，市場係鬧熱又心色个所在。做得認識當多東西，尤其係青菜，像苦瓜撈黃瓠愛掛皮煮，菜瓜撈瓠仔愛刨皮，芹菜愛食莖，番藷葉、芥蘭菜葉仔撈莖全做得食，笏瓜洗淨就食得，蔥仔、蒜仔仰般分，這兜全係在買菜時學著个。

逐日除忒微毛末節，像：抹地泥、撿拏、收衫褲這兜个搵手，佢還會學煮飯。有一擺，阿姆出門，阿嬤異愁慮，佢講：

「阿嬤！毋使愁，當晝佢來煮。」米洗好，放入電鑊煮，堵好有一鑊爌肉¹，佢放到瓦斯爐用溫火暖燒，佢續等煎卵包，炒一盤薤菜，還煮一鑊包粟湯，阿姆教過佢煮湯愛細義，毋好燒著！佢還放香菜仔菰香，兩下半就喊老妹擺碗箸，喊阿公、阿嬤食飯！阿公、阿嬤講佢：「佢戇孫女大囉！恁慶！」佢試著異沙鼻！

佢去到學校乜會搵手，因為佢係「細先生」。睺先生歸日無閒泊杈，愛改一堆个簿仔，所以佢會撈先生搵手，當晝頭就無歇睏。提等紅色个筆，目珠拏金金檢查同學个簿仔，毋著个就用紅筆箍起來，再過請同學改正來，又順續教一下毋會个人，恁样个工作佢毋會恹，感覺有撈同學搵手。

有一句話講「多學多得」，正經哦！佢學著當多，感謝世大人分佢機會又信任佢，佢會繼續學習，佢會煮飯囉！

1 爌肉：音 kong` ngiug`；紅燒肉。

編號 3 號

【楊梅樹下講楊梅】游素美原作

「食桃飽，食李飢，食楊梅就樹下企。」

五月節還吉到，學校種个楊梅就打到當結咧。啾紅个楊梅，細細粒仔，像手指尾恁大，食起來酸丟丟仔。

楊梅地名摺植物有關，頭擺係原住民戴个所在，三、四月，坑壠肚滿哪仔都有野生个楊梅樹，客家人就摺佢安到楊梅壠。社會課，先生紹介家鄉个地名，就特別渡佢兜去楊梅樹下上課。

這兜楊梅樹，係起新學校个校長，挑挑在校園肚種个。希望兩排樹仔大咧生密以後做得像暗窿共樣，分學生有一隻爽寮、遮蔭个所在。除忒楊梅樹，砌厝還間等種有幾十頭李仔樹摺桃仔樹，不過全部分大叢个樹仔蔭淨淨咧。楊梅樹有分公个摺嫲个，愛種有七、八年過，正會打子。開花个時節，公个花開到長長像弄毛蟲，嫲个花紅紅一點點仔，常常吉打子就敲忒，罕得睭得著。

上禮拜先生在粉牌頂寫一句客家諺語：「四月八，楊梅趴趴跌。」愛大家揣係麼个意思。全班同學盡命拈揣，正一儕揣著。

這幾日，堵好落大雨，摺果子打敲¹淨淨，滿地泥都係，也有兜係分膨尾鼠摺鳥仔咬過个，想愛食佢兜實在無恁該哦。

先生講楊梅壠个「壠」字，係一隻當有客語意義个詞彙，目前在桃園客家地區，還有中壠、內壠這兩隻地名保存等這隻字。先生講到口涎波潑，佢兜一群細人仔目珠擘金金，還在該緊尋哪頭嫲个樹仔有打子，大家比手畫腳，撞上指下，哪有認真聽？包尾，先生喊全班同學摺手伸到臉身後背，還吉講愛做麼个，一個細俵同學講佢摸著尿肫中央有一條線，先生黏時講：「著、著、著，該條線捺下去就係『壠』字个意思。」先生還講，頭擺个爺哀教細人仔教毋會，細人仔不上教又當毋壁，總係罵講：「讀書讀到哪？.....讀到尿肫壠。」佢兜聽了全部笑到砵砵滾²。

課程愛結束咧，先生喊佢兜一儕認一頭，摺這兜靚靚个楊梅樹畫下來。佢个手提等蠟筆，正畫好一隻隻又大、又紅、又圓个楊梅，想著該甜酸、甜酸个味緒，口涎水就潑潑跌咧哟！

¹ 打敲：音 da` lud`；打落。

² 砵砵滾：音 kid kid gun`；連續的笑聲。